



泛翁集

卷之三

序
五絕
六絕
七絕

五律
七律

三

~16
2408
1



和
2408
-3

近翁集序



物之理未了者
立者而以相反為對者
居多矣故此為若彼
必實此耗若彼及去之

陰功消長不易之理
也莊周曰者以深者
乞穢淺者多忘唐
之說類為莊士以
稱以此獨為安翁先生

之所取者了以也哉吾
魚有洪化翁清柱國
字國卿若故名由蒸
當公諸孫而自以李公
之宅也自為秀才時

穎出海歎退登大科
英竇苑投以口以
寫幾所乃吾心於進取
請斗屋不改字古雅
操凡天乞得喪所感

涉涉不入於匍匐而
所為訪至以自歸善
亦以舟江湖中係自在
三粵陵如故比其燕迄
三際乞機自其既以

二 肆 厚 辭 潤 清 疎 格
 力 閑 嘔 駁 乎 古 人
 門 庭 矣 此 豈 北 冥 如 彼
 二 多 於 此 蛇 如 彼 二 鳥
 此 之 致 神 惜 字 又 三 乞

果 敢 冷 淨 盡 其 眼 量
 今 上 二 沈 宗 二 陸 黃 豈
 不 亟 駕 二 之 馳 哉 善 既
 沒 而 多 胤 萬 選 士 中 寰
 粹 其 送 於 穆 為 編

惟以名余之河求并卷
之文朱於聲之病之功
素味源委之稽中安
為先生診訪之說矣其
意善曰先沃淺心在

之體新雅汝之骨結洗
滌腸胃之葷血脂膏
方可以漱六寤之芳潤
以求真澹之趣嗚呼
公多慮哉於此若斯

天下此知一之者矣乞

為序

柔兆撰乾格亭林

德殷宋時烈序

余嘗言靜觀之樂李公

多能游能之由外摩從

至心惠連一息能止其

並下有一詞矣願然之東

聆在言具其待而如也

白里
印六
初號

竹里公如在後釋福早
吹簫度殊離未詩接武
在院時侍從於無何
峯則必坐坐破海論
詩揚於古今而公勝一退

德上自子及終聖故狂
未如公之用力於終至此
極也最著者必泰南官儀
禮大竹於此挫握亦於梅
逢交後終至建復於逆

詠知在生少悔情與
於英道矣于後之四季
公之胤萬選氏持公選
稿注為示余使抄在合
五絕梓者仍微弁卷

文余愛而卒奉則時
平生文集也後之在綱
源也善其樂訓中意
者為多故在得如素
功於風雅去公專紅正

沈氏集
卷上
世深情境在會詞理似
到玉粒應裝驛流心
至得律使催閱之
空是冷壇之古將
花之趣也嘆乎公似

陶陶聲華最朝臣
路誰之如誰敢來先
之文稿之任事也展試
位不仰年小者又使呂
致可之見升平之日寧

物者抑以心聲雖然有
字克家能稟輯孤憤
將事於海比志之以千
古猶子慰長也
長嘆人代蕭條欲何

陳跡起觀存此空
蒼夜空蒼境遠得獨
梅留李弼仰在耳
壇經過之煉披閱新
秦秦空亦相念一海

九原有如底五雲龍

吾文亦

答之始於宜春南龍

翼之序

泛翁集卷之一

豐山洪柱國國卿著

五言絕句

送人作南郡用李季真韻

小吏發長安風光行正好寒梅開未落春早江
南道

送春日季真自湖外至醉後口號

二春今日盡千里故人來迎送揔堪醉頻呼花
下杯

一架亭逢鼎卿堂兄

柱三〇一架師長
公永安都尉池亭

風雨一番過西林黃鳥來聊因惠連至又把沁

園杯

雪夜金水部建中震標第賞梅

詩入元水部物色即西湖更下山陰雪今宵興不孤

歲除日生女戲題

四女今添一明朝節屈元堪誇新歲慶盜不過吾門

自連原乘舟向洛

欲向秦城去春江正穩流休言官是馬行色一漁舟

統軍亭望見獵騎

八月胡天黑陰山欲雪時遙看數騎獵莫是射鵬兒

鍾城道中

關號纔聞鬼州名又喚愁俱非吾世界合作醉鄉侯

六鎮歸路望行營城

閱盡邊州役初歸節度營人情還可笑如見洛陽城

春日次東岳思歸曲

傷海孤城迥回風捲積沙春來白山雪工作鬢
邊華

溟海與天平風雲連北庭邊州春到晚三月柳
微青

水中臺次車五山韻

萬古水中臺誰傳傑句來五山東岳老先我此
徘徊

飛鴻湖

千里亭湖黑人言深莫窮吾知龍所錯遺號
飛鴻

自吐幕承 召秋七之望行到端州有懷

李節度晚榮令丈

悄坐端州館新秋月滿宵南樓不茂興能憶舊
叅僚

人日賦示兒輩

今日是人日人當與日新人能新日日方始得
為人

金子公得臣 丈來訪無酒不得共飲錄奉

一絕

不意老詞伯來尋花發時嗟無一杯酒追寄五

言詩

寄梧灘沈仲美收

江漢西風起相思意轉孤
今秋強半過又負季鷹鱸

聞隣友欲賣京第捲歸江上走寄

莫賣道南宅休歸江上村
春來新酒熟誰與對清樽

謫居杏洲聞李諫議次山稽言事被譴

出住廣陵

獨鳥東南下長江西北流
明時同放逐相憶倚

高樓

隣客夜歸偶記

村犬吠如豹江樓有歸客
依然輞川庄夜語同
襄迪

次李仲羽翮李羽翹寄示韻

野墅閑懸榻湖亭懶廢書
不妨君學稼宜許我知魚

次奉梧灘

涼意集江臯梧桐葉上雨
懷君費獨吟夜久燈添炷

江樓月夜次贈沈甥冲

不向城中路頗成郭外期滿江明月色偏照對君時

寄仲美廣陵謫居兼示次山

一曲廣陵散送君離恨多應逢同病客憔悴近如何

見杆城倅尹養一敬教書走錄簡尾

傲吏公餘興登臨清澗亭時逢羸客舌相憶杏

東溟弼卿時宰臨瀛

醉奉許兄仲玉珽兼示朴仲八世杜

昨過潘南宅仍逢丁卯翁歸來餘興在呼酒杏花風

次東岳韻寄李大來以泰

宿醉不知曉開窓春雪深悠然子猷興忽起訪君心

謝李甥澄餉雉酒

杜老長飢渴巴東憶李甥華蟲帶經蟻知汝渭陽情

鼎卿兄宅夜飲憶許兄仲玉抽韻共賦

酒盡山頽玉更深燭墜花長懷許玄度一唱浪

淘沙

大殿端午帖丙午

諷蔑歐陽帖恩慚杜甫衣何須獻寶鏡 聖德

自光輝

六言絕句

江樓卽事

隔岸篙師曉語江樓喚起春眠約束乘潮早發
夜來知泊商船
西巖夜宿漁叟濕霧朝來滿衣一抹炊烟乍歇
持竿又向苔磯

細雨斜風蓑笠迴灣曲渚帆檣不是關渠風致
端宜輸我篇章

霽旭黃催楊柳春江綠漲葡萄暖回游鯉躍水
浴罷眠鳧曬毛

風吹一聲欸乃斷續十里江天驚飛幾羣旅鴈
散落蘆渚那邊

次李兄汝言綸韻

老去江山有約窮來田野無秋自擬三公不換
那將百畝為憂

七言絕句

松溪與姪輩約會不至
繁霜落木夜來寒
客意蕭條強自寬
立馬小橋人不見
二陵秋色滿歸鞍

冬日看書記事

窓前朝旭映書籤
茶鼎灰寒火更添
終日閉門無客到
晚風吹雪落松簷

送春日會一架亭

乳鴨浮沉水滿池
隔簾垂柳長新枝
經年藥物憐吾病
斷送三春不把卮

宮中進宴詞

蓬島朝元使者旋
麻姑消息曉來傳
瑤階跪進金光草
文母遐齡萬萬年
新殿崔嵬彩仗東
平明闔闔迥呼嵩
祥雲尙覆春暉閣
麗旭初昇萬壽宮
蟬衫鴉髻簇如花
十二緇簾捲日華
粧樣共稱新貴主
今年釐降相公家
象服頎頎命婦來
大家傳語內班催
華筵不許昭容進
聖子親行萬壽杯
吳歌楚舞妓分曹
仙樂風飄晚更高
絲絡八珍渾不管
玉盤新摘萬年桃

立春日遇李季真

春菜登盤蟻泛杯忽逢湖外故人來問君東閣
題詩處一樹寒梅開未開

殤兒新塚未完風雨終夜

烏鴛螻蟻與何偏此語曾看莊叟篇尚有慈情
終未斷一作夜深風雨憶重泉

亡兒晬日

亡兒生日恰周暮正是踉蹌學步時玉雲未安
空在眼膝前誰作晬盤嬉

題芭蕉葉

吏部如何題啓事橫渠於此起新知病夫別有
催詩興敲枕高秋雨過時

詠竹夫人

淚斑湘渚萬竿篁夢熟邯鄲一枕梁秋後却從
團扇棄世間隨處有炎涼

出僧伽洞門

步下丹梯滿袖嵐高僧笑別石臺南回看一抹
青烟起認是巖頭昨宿庵

梨園月夜贈伶工李蘭孫

新翻偷得李龜年絕代希聲爾獨傳試聽落梅

花一曲夜涼虛閣月孤懸

豆浦別席次內兄李青湖一相韻贈內弟

勿能端相之任清風

夾岸樓臺面面同夕陽離思滿帆風廣陵明日
孤舟泊回望青山是洛中

曉發驪江

鷄號漁店一燈殘二月驪江水氣寒自笑微官
仍遠役曉天霜露發征鞍

自中原向陰城

陰陵峽路草芊芊寒食東風雨滿天來往異鄉

俱是客中原回首更依然

新結魚網

波暖前江欲暮春上灘魚隊政磨唇催教童子
粧新網擬試中旬穀雨辰

乘舟向島潭次李真韻

浪泛桃花引小舟洞天何處挹浮丘三春旅館
思歸客除却茲遊總是愁

自中原乘舟向洛

孤舟萬轉下江干歷幾深淵度幾灘不待還家
先有喜終南一點帆前看

答寄東州使君

應因地勝每題詩且烹官閑間把卮至後梅窓
晴旭暖知君方是讀書時

哭李聖瑞伯麟

童稚交情到白頭對時傾倒阻時愁黃壚隔若
山河邈淚盡中宵憶舊遊

年何短折信哀哉草草浮名御史臺獨有故情
偏痛惜未應人盡識君才

西關八月我車催行過分司轉覺哀報道靈輻
前夜發不教留待巨卿來

冰塞長河雪滿山北程迢遞度重關吾行早晚
猶當返君向冥途幾日還

吉州道中誦奇服齋詩有感

信馬雄城客路遲服齋遷謫事堪悲夕陽秋草

依倚是忍誦當年記夢詩雄城即吉州號

過富寧兄弟巖有懷伯氏

塞外重看病裏書長公將攝近何如誰教地號
添離恨兄弟巖邊倍濕裾

行營城外有虎夜吼戲奉李節度

城頭昨夜吼山君聲裂蒼崖處處聞試向草間

看射石北門今有李將軍

梅夷堡次東岳韻

戎衣歷遍豆江關絕塞春還客未還獨倚撫夷
城上望八池如鏡繞胡山

和東岳擬古從軍五更轉

一更巡柝警重關雪滿龍堆候騎還向夜漸聞
刁斗起半輪寒月吐陰山

二更寒角殷危譙壯士悲歌慘不驕爭道邇來
軍令肅漢家新送霍嫖姚

二更邏騎掣鈴行河漢初回月轉胡戰士不眠

披鐵甲將軍時復夜翻營

四更軍令問如何浪報單于夜渡河火照雲中
知是獵始教毘卒枕金戈

五更無事旋開門宿霧蒼茫滿塞垣日出元戎
臨玉帳偏裨麾下拜橐鞬軍中每更必報無事

自王連堡轉向輸城水石頗佳略似漢京
三清洞馬上口號

白石離離澗水鳴長松夾路草芽生經斗鞍馬
邊州客疑入三清洞裏行

輸城道中次東岳韻

斜陽稍稍馬前低野色平連海氣迷詩意不隨
形役倦短篇占得小橋西

森森堡次林錦湖韻

東東喬林矗矗密緣厓細路劇虬盤陰山古堡
春猶到滿地梨花自作團

咸興七寶亭雨中次板上韻

芙蓉千柄整還斜翻蓋明珠瀉碧波一掃海山
隨處雨雨聲偏向此中多

寄申接慰寅伯最兼示萊伯鄭白也 曾

蠻城秋雨早涼催西掖詞臣幾日回想得海雲

臺上詠一樽應共使君開

移御日走次申元瑞命圭韻

春隨御氣閣輕寒仙蹕徐回匝從官報道

龍輿移法殿殿頭朝日正三竿

贈金子公年丈

客自南來號栢洲有詩千首傲公侯天教東野
窮如許吟作秋蟲到白頭

太僕卿沈仲羨自江居入城走寄二絕

君居春事近如何江漢垂綸興轉多只為官曹
似是馬時時騎向禁城過

桃花春浪浸前扉
穀雨來時魚正肥
待得永嘉
休浣日可能攜手共漁磯

挹清樓醉次金尚書起之壽興韻

晚來清眺水西頭
落照歸帆漾碧流
明日禁中還僦直
祇應魂夢繞滄洲

謝俞萬初寄餉苜蓿

多謝先生苜蓿盤
寄來風味佐朝餐
盈筐野採非無興
歸計今春又已闌

江上寒威斗緊曉
枕書懷

霜淒江閣楚臣樓
睡覺前村第一鷄
玉宇瓊樓

寒藥許夜來歸
夢掖門西

飯後卽事

披書飯後午窓明
新茗催教活水烹
一枕邯鄲成小睡
忽驚場圃打租聲

次寄次山

條風暄日媚江天
春色先催岸柳邊
疑有子猷乘興訪
檣聲伊軋近窓前

仲美兄弟棹舟而至
示舟中所賦二絕走

次以謝

閑趣深春日涉園
可人今雨又敲門
不須催返

山陰棹且待芳醪買別村

陸家兄弟是機雲又別驚看白髮紛二水洲邊
他日約桃花開後且尋君

言杏洲將移竹里書贈社中諸君

扁舟強擊渾家移棲息猶難保一枝等是窮途

何所戀只愁孤負葦魚時杏洲即葦魚所

舟中示沈甥

竹里移家別杏洲喜君多意共扁舟江湖到底
皆為主逆送吾行是白鷗

金尚書光煜莊心曰栗里具綾豐仁壘館

名曰竹里以其地號適符於陶徵君王右

丞別業而名之也余自栗里移居竹里聞

二亭主人未嘗來住戲題壁上

栗里僑棲竹里移徵君風致右丞詩江山管領
唯閑者兩處樓臺主客誰

次酬內弟李弼卿翊相兼示柳起之之發

南湖春水夜來肥波沒漁翁昨上磯向晚腥風
吹入座商帆知是販鮮歸

伯姪萬容來會江樓臨還示一絕走次

高樓清讌不知休一雨微涼過麥秋落景漸低

君欲起滿江烟浪使人愁

次寄洪九言受疇

落景亭亭殿遠林談間相照王壺心高樓客散
樽仍在悵望歸舟轉樹陰

再疊酬九言

暗飛螢火巧穿林涼雨高樓獨夜心蕭瑟白頭
江漢客不堪時序又秋陰

灘樓次仲玉兄韻

孤雲落景共依依水檻傳杯爽滿衣投絃歸來
老刺史可能同我上苔磯

自灘樓夜歸舟中口號用灘翁韻

扁舟容與夜深歸缺月臨江星斗稀八詠高樓
回望尖玄亭竹館允依微

醉次仲玉兄韻

孤燈相對百年心檻外滄波萬里深少日歡娛
渾似昨白頭江海到如今

洪九言來訪醉後索紙畫梅詩以報之

醉墨摹成冷蘂開鄭處三絕自奇才從今竹里
王丞館添得孤山處士梅

見鷄林尹權至叔尚知書走錄簡尾

西湖涼雨倚高樓嶺外書回碧樹秋何日一樽
重把臂二年相憶雪薄頭

保晚亭志感

保晚即外王考江
榭方為隣生僑寓

溪水潺湲野菊斑偶尋隣友扣柴關那堪人代
蕭條感保晚亭荒落照間

八月十八日志感用仲羨韻

天崩餘痛又茲辰悲憶含香侍紫宸八月頻
傷工部諒千秋相感有孤臣

將向松楸適醉社酒灘翁訪余留詩醒後
走次

離懷連夜醉昏昏剡曲誰留雪棹痕明日松楸
還獨去亂峯深處卧孤村

再疊酬灘翁

室生虛白未曾昏雲過長空不見痕靜者自能
知此趣梧灘居士卧江村

送春日弼卿書報仲羨蒙宥仍示絕
次韻却寄

東村居士寄詩來報道長沙賈傳回老子喜心
翻倒極不妨兼把餞春杯

灘樓別弼卿文仲翌日次仲羨示韻

尋君輒至醉歸來半是潯陽送客杯別意閉門
終日雨小園鶯語夢初回

次山替余移寓竹里館往訪口號

竹館重尋跡已陳江心孤島看還新飛來白鳥
偏多意故故相親舊主人

贈豐德柳使君以升

吳興三昧筆傳神姿媚橫生妙逼真想有公餘
揮酒興待吾屏障一時新

贈孟京兆休徵曹瑞出宰黃驪

牽江百丈湖蘭舟穩向清心縹緲樓京尹老嫌

金帶重却

去作

攜琴鶴亦風流

次酬難翁

劈柳條風細細吹仲春江畔雨如絲花開酒熟
佳辰約一曲瑤琴待子期

憶難上春興寄仲羨

蒲芽抽短杏花殘三月河豚已上難細雨斜風
蓑笠興幾時同把釣魚竿

秋七既望夜次迪兒韻

雨洗長安暑氣收高梧涼韻入書樓此翁才退
無佳句稚子詩成既望秋

寄灘翁

新秋涼雨滿高樓
蘋蓼花交二水洲
颯颯亂帆攔外過
爲誰瞻竚上簾鉤

將訪灘樓歷權至
叔舊宅志感示仲義

江樓興引菊花杯
秋日尋君已再回
依舊郭南騶騎地
若爲攜得永嘉來

走次李允迪

押寄韻 允迪時在臺山別業

浮榮朝列謝緋銀
高枕看書味最真
仍想垂綸江漢興
釣臺烟雨白蘋春

武舉族姪攜酒至
醉後賦贈

風櫺午睡味偏長
覺後燒添小篆香
載酒何來投筆客
不知人世有炎涼

雨中悄坐痛念玉兄
錄奉鼎卿堂兄

端居獨卧念人亡
落木寒聲助我傷
孤抱又逢終日雨
任他佳菊滿階荒

再疊

浮生次第摠淪亡
畢竟同歸莫浪傷
最是酒杯難到處
伯倫墳上草萊荒

仲玉兄剞日次鼎兄韻

薤歌淒斷露先晞
沙峴南頭痛哭歸
自此西城

那忍過小齋依舊主人非

春帖

春盤細菜已知時
谷鳥啾啾景遲但願今年
三百日鎮教身健把深卮

元日自松楸還望見三角

來往松楸五十年
馬前三角故依然
幾經世事吾成老
羨爾青蒼不白顛

戲贈揚州牧任文仲

奎○文仲
新卜小妾

古稱騎鶴上揚州
君有佳人字莫愁
東閣官梅渾不管
如花嬌艷坐壚頭

贈俞水部晦伯搃出宰春川

何遜詩情水部名
澄江又屬謝宣城
江流一帶連清漢
雙鯉來時倘寄聲

次奉鼎卿兄

有酒相邀無亦賒
散人頻醉惠連家
巴陵入鬼還今日
逝者如斯不飲何

竹林七賢

傲世高情托竹林
七賢相照百年心
延之誅後仍成五
除却山王趣更深

戲次夕山留贈凝川妓韻

春滿高樓送客時靈犀一點兩心知
裁成舞袖將安用空唱新翻白紵辭

大殿春帖字丁未居首

天開閭闔繞祥雲環珮珊珊仗外聞
寒退邇英宮漏永法筵新講古今文時進講書傳

大殿迎祥詩辛亥居首

寒排雙闕敞龍樓香范金爐細細浮
寬大漢朝新詔降問誰簪筆演詞頭

泛翁集卷之一

泛翁集卷之二

豐山洪柱國國卿著

五言律詩

踏青日

好是踏青節春光知為誰經旬人卧病終日雨
催詩次第花傳信飛來燕似期芳華空晚晚攬
鏡一回悲

對菊獨坐隣生攜酒至詩以謝之

深巷閉門裏佳辰吹帽餘綠苔封逕合黃葉點
階疎獨對無錢菊閑披滿架書勞君載酒至似
是子雲居

送秋口書懷

一雨將秋去殘樽意悄然疎林懸落景枯葉墮
涼天旅鴈今應盡寒花亦可憐長卿未獻賦壯
志惜流年

伯氏渡江日有作

指屈東歸路心懸北赴旋今朝渡鴨水幾日抵
燕京消息憑來札艱難想去程慈闈幸無恙遊
子倘寬情

與隣友遊中興洞

洞僻疑無地溪回別有山客尋紅葉晚僧與白

雲閉峭壁烟蘿迴重巖露菊斑清談忘夜永缺
月照禪關

秋夕宿高峯

策馬晚投寺紺園秋寂寥樓迎天柱月江送廣
陵潮霜露丘原感風烟草樹凋農畝留野客佛
燭照丹寮

夜坐令姪輩擊鉢呼韻響絕卽成

桂影隱林莽秋聲依樹枝二更人不寐八月夜
偏遲世事着着異年光鼎鼎移寒蛩啼作意孤
抱爾應知

免制後書懷

歲序催人代音容痛莫追此身何怙恃餘日但
填荒萬計從今冷孤懷到底悲生前溫清地只
在故山陲

夜枕悼仲氏

獨卧無眠處長懷泉下人他生期可卜斯世見
何因命已關脩短吾猶怨鬼神中宵無枕泣時
有夢相親

人事俄千古天時又一秋百年懷未已何日淚
方收志業銷沉盡身名寂寞休平生滿樽酒無

復弟克酬

元日宿追遠堂敬次伯氏壁上韻

逝水催人代流光換歲時餘生偏易感佳節益
添悲瘦影燈花吊孤懷衲子知元方同此慟看
取壁間詩

寒食自松楸還路上口占

野鴨羣飛去春郊水蘸堤馬蹄黏落絮衣袖點
晴泥病數公途憇詩多對景題呼兒尋別墅花
下路高低

讀庸學

乍覺提要領還驚失戶門小儒難強智大道詎
窮原散作千歧去歸爲一理存紛如白首歎方
信勉齋言

一貫傳心學羣蒙入德門智愚皆可曉誠正卽
爲原節目彰明著一作二六次第存世無推絮
矩千載作陳言

除夜

爆竹通宵響桃符幾處懸正從殘燭盡春逐曉
鐘傳早卧緣多病孤吟爲少眠松楸違省掃佳
節私潜然

自嘉興醉歸

醉卧江邊石醒來已夕陽晴少卷不厭眠鷺生
相忘跡散仍成懶心閑未要忙從今還往熟吾
道在滄浪

驛亭漫賦

江接中原勝山圍古驛平春禽烟外語早麥雨
中耕灌水添池面栽花愜野情可堪爲客地佳
節近清明
野勢臨江盡溪流遶驛澄新春挑菜女斜日返
林僧短律閑仍就深杯病不勝丹丘花事近一

三才集
棹興堪乘

西原途中

薄宦催形役，羈愁助鬢斑。
東風吹大野，西日下前山。
佳節天涯度，新詩馬上刪。
臨溪聊獨酌，忙裏暫偷閑。

夜坐令禹生呼韻

暝靄村邊合，踈星水面沉。
新霜驚旅鬢，芳草杳歸心。
江勢回巴字，鄉愁動越吟。
趁花三島約，孤棹共君尋。

春日驛亭書事

亂絮侵書幌，微風動客袍。
勾牽春睡重，纏縛旅愁牢。
雨意催詩句，年華入鬢毛。
大江流日夜，歸思共滔滔。

島潭途中示同行

峽束藤崖轉，村依柳岸回。
人從三島去，江自五臺來。
燕子參差度，梨花爛熳開。
何由逢羽客，共把紫霞杯。

乘舟向洛

早發驪江渚，催撓到日昏。
沙晴鷺驪翹，湍減石留痕。
取船齊懸席，漁村半掩門。
京城欣漸近，何

似客中原

宿月溪村清曉登舟

水店呼燈起侵晨步上船灘危寧變色漚靜且
安眠孤嶼靈沙出羣帆帶雨懸歸撓不須促佳
境每題篇

中秋夜坐幽韻

池面荷珠散庭心桂影移客中仍令節病後強
深危遠札傳無使新詩詠為誰觀濤枚叟作異
代不同時

姪輩與隣及往賞蕩春臺病未赴會賦寄

春服初成日諸君出郭行流觴拚勝會理屐愜
幽情谷邃林巒嘯山空紙杵鳴新詩應滿軸歸
與病夫評

次酬弼卿

悄坐思君夜燈前見在身雨涼生簟席秋籟集
叢筠忍斷杯中物猶弄卷裏人傳筒休恹晚懶
慢是吾真

統軍亭

絕漠連遼塞雄關睨渤溟行窮筮子國望遠統
軍亭江雁龍淵黑山排鷓鴣青邊愁與客恨鳴

咽暮笳聽

龍巖

月暗臨關折霜清出塞笳邊人胡語慣上妓楚
腰誇客館秋將晚王程鬢欲華佳辰近重九歸
及泛黃花

玉溜泉

玄牝千年竇靈泉泱泱鳴排成疊壁秀瀉作一
溪清地欲誇仙境天教傷客程皇華留傑筆問
禮愧吾行岩刻 詔使朱公之蕃筆即今門
之行異於昔時故感而及之

抱川縣齋與主人李季玄知白同賦

歲暮遠為客故人相別難心隨孤劍壯愁賴意

觴寬夜燭宜頻剪冬菹當一餐前期又此地花

事未應闌

盤中菹味甚佳第六及之

冒雪踰鐵嶺宿高山驛

早發交州館行行鐵嶺登藍關擁馬雪楚驛伴
人燈客睡宵難着鄉愁日轉增防身有一劍壯
志尚飛騰

宿定平與主人洪國寶錫龜夜話

塞路二千里窮陰歲暮天北關書記冷南道主
人賢細話仍殘夜相逢亦勝緣并州回望處明

日意茫然

至日踰咸關嶺

節日政南至羈人猶北歸寒從塞外重陽復地
中微雪嶺千盤度滄溟望圍思鄉無限意書
信近來稀

至日到洪原次東岳韻

七日新陽復三冬積雪多使君樽似海書記劍
生花鯨浪兼天湧郵程度嶺餘未尋穿島勝身
倦任蹉跎縣有穿島

比青府敬次圃隱先生韻

玉塞嫖姚幕平臨海上開文忠留傑句襄烈奮
雄材暮燧依峯隱陰雲度漠來邊城多壯士落
日射鵬回襄烈公李之蘭起自本府

城津堡

傍海城津堡登臨亦快哉鷓輪當曉浴蜃市有
時開蕃將行軍禮胡姬勸客杯伊吾鳴劍志更
倚斬鯨臺

臘日偶題

好是嘉平節羈懷轉寂寥窮陰連大漠惡景下
危譙歲律三邊暮鄉書萬里遙仍思洛城裏梅

動臘前條

贈會寧諸生

苟有志于學何嫌遐遠濱陳良元楚產趙德是
潮人化被遷罵日名彰附驥辰嗟我二三子亦
可勉諸身

立春

斗柄移青陸疆封界黑河春盤傳菜細夜籥落
梅多節物思銀勝朝班想玉珂邊城逢此日愁
絕意如何

除夕與節度飲曉枕口號

爛醉愁州客愁從醒後知三韓地盡處五夜歲
除時蠟燭憐殘跋屠蘇憶舊卮故鄉千里句聊
詠達夫詩

戊申元日夜坐書懷

歲換未甲曆人留戊巳管異鄉添一齒孤館坐
三更省掃違丘墓團圓隔弟兄羔兒數盞酒斟
酌此時情

次節度搞士韻

雷動靈鼉鼓風翻赤羽旗均分酒與箴極樂士
如貌豫養知非偶奇勳樹豈遲休言書記拙會

待勒銘期

從軍行次東岳韻

班超漢校尉孫楚晉參軍飲馬長城窟提兵古
塞雲雕弓五石勁寶劍七星文絕勝尋章句男
兒要建勳

白羽驛弓客經年出塞遊驚沙迷虎帳飛雪漲
羶裘獵罷陰山北兵臨瀚海頭何須語玉朔吾
相且當侯

赤羽千夫膽金鱗七札袍塵隨鐵騅暗箭逐
鷗高不斬名王首寧知介子豪書生膽如斗誰

贈呂虔刀

自高嶺鎮向會寧

邊州寒食過江水始流漸鞍馬客將老關山春
較遲夷村隔岸北鄉國杳天涯政想秦川柳應
垂衰娜絲

發會寧暮抵豐山堡金生聲震遠來同宿

曉起書贈

疊嶂圍孤堡殘笳報五更歎吾長作客憐爾遠
隨行夜雪疎疎下風杉浙浙鳴前期又何地春
晚鏡州城

自富寧向玉連堡馬上口號

五里重踰嶺千盤幾渡川喬林多礙日
逐谷少看天架木通厓選燒峯作粟田
夢魂難到處茲役定前緣

踏青日和東岳客裏逢佳節四首

客裏逢佳節天涯憶舍兄沉痾幾分
瘵遠別一年更入夢形偏瘦蘭絨眼
倍明何當風雨夜話盡陟岡情

客裏逢佳節天涯憶兩成謝庭聯玉樹
蠻掖共水衙戀結經年別書傳隔月絨
團圓何日是癸

盡幕中衫

客裏逢佳節天涯憶阿兒詞華亦餘事
經訓是為基分寸陰當惜嬉遊悔莫追
無聞四五十端戒乃翁宜

客裏逢佳節天涯憶小菟久違文度膝
曾挽杜陵鬚句已知新誦書能免舊塗
平安肥字報時慰旅情孤

自言城發向七寶李生以晉來待門巖嶺
仍與入山馬上次東岳韻

坐嶺三杯酒肩籃百丈崖山容經雨活
鳥語占

晴嗜宿約簪俱盡冥搜境漸佳半年關塞客今日始開懷

承 召赴洛道中次柳亭聯句韻寄節度
蟬噪長亭柳陽關唱闕初欲辭元帥去曾別老
兄如脉脉詩題扇依依醉慘砧那堪驅傳馬十
步九躊躇

登址青鎮南樓避暑

十日炎程客南樓避暑鬱蒸風飄紅袖颺天近綠
窓憑楊柳濃陰午醞酬凍椀冰黃昏更移席池
閣月初昇

鐵原三金淵

倦向豐田驛迤尋三金淵喧雷語難辨飛雪暑
能蠲測綆深千尺垂紳掛中天浴人那到此神
物定蜿蜒

贈朴仲八之任義興

嶺嶠通南極之官路政脩遽違同閉面偏惱各
天愁親舊中年別山河八月秋清光輪未缺何
處獨登樓

玉堂酬禁直諸益

京雨直廬夜高梧韻入詩吟安一字蒞坐到二

更疲吹帽佳辰過持螯漫興宜殷勤隣省友好
約在湖湄

寓直春坊次權悅卿說韻

風緒高軒豁鷺聲上苑深緩籌傳午漏小確改
朝陰隣省逢青眼田廬負素心病來詩意懶偶
爾對君吟

次金建中寄示韻

歸田計已熟供世病何能擬結淵明社非無惠
遠僧悠悠十年事悄悄五更燈此意君應會詩
來當百朋

趨朝妨疾病報國蔑才能齒迫知非歲身同入
定僧樽空醴前釀詩就夜分燈替盍期南巷芳
隣喜得朋

金判書亦明挽

已卯儒賢後先朝名相兒早將文雅進兼以
事功推望屬羣平拜恩無馬鄧私誰言天奪速
終未踐台司

兄弟尊榮並巍班接武趨周官人司馬漢代執
金吾身際千年會才爲一世需云亡關國運誰
復濟艱虞

次伯氏韻奉送士元堂兄赴青山

城南一杯酒相勸不須辭為一作最是分離地俱
非少壯時官閑從縣薄歲歉奈民飢珍重詩篇
贈唯應慰夢思

贈沈道明輟庚契之任盈德

沈氏好兄弟銅符三處分南臨滄海郡北望大
行雲衰齒憐同我孤懷悵別君清心樓在否只
詠待休文

寧陵遷葬挽詞

聖以殷憂啓河清運在東十年 臨紫極三代

挽玄風造化天同大危微道執中傳承文武業
方策照無窮

孝友因心得斯為大聖人尊符一字謚功叙九
疇倫久識陶民化先推錫類仁休哉曾閱行劄
見帝王身

側席誠如渴于于俊又來商巖起霖雨漢閣接
蓬萊惕厲遺憂責登崇識務才中途未半業境
涼有金臺

天豈虛生 聖民將不變雍乾坤猶莽蒼江漢
自朝宗此義千秋炳當時眾望顯悲歌中夜泣

志士恨填曾

不盡攀髯慟仙遊歲月遙曾坐須備患藥水復

臨朝嚴衛新儀儼遷封舊典昭况疑 天日表

疇昔 御臣僚

葵聖寅驪識曾於 世廟徵 神孫此配極盛

烈本同稱復土遷儀似因山儉制承堂堂弘濟

志洞號協 園陵

閔進士 鎮夏挽

玉雪容儀秀森然在眼中云胡奪佳士嗟莫問

高穹較齒同吾子無言慰若翁追思撫頂日衰

淚洒悲風

金判官 仁文挽

今胤重攀桂清朝法從臣不緣能訓子何以得

榮親晚仕凋雙鬢頽齡望七旬最憐臨絕語猶

待絲衣人

雨夜病臥書事

伏枕興居倦朝昏熱似潮三秋人卧病十月雨

終宵沈約身全瘦潘郎鬢易凋孤懷政愁絕詩

句為誰謠

僑寓杏洲歸來亭禹功甫 弘成 來訪拙杜

集韻共賦

亭即竹所金尚書光煜江謝

屬我賦騷日荷君攜酒過滄波帆外遠白鳥席
邊多未必前期數其如此樂何優閑亦 聖渥
漁父不須歌

自余遭譴以來棲泊無所生事益落仍想
主人竹所公有此江山亭榭之勝田園舊
業亦足以了過平生則雖被顛沛如余所
遭而自無憂矣顧余計拙不曾問舍求田
致有今日之悔還覺一笑遂次主人題板
韻聊以自嘲

謫裏僑居勝全教世念休鷗飛掠朱檻帆影漾
清流風月元無價田園亦有秋途窮知計拙小
菜不曾求

內兄東里李尚書殷相新刊李冀玄洲文
集印寄一部志感錄奉

異代三蘇盛泉坡二稿行新刊穎濱集重感渭
陽情忍說無年痛猶傳不朽名內兄題跋羨文
苑繼家聲

謝隣文崔文義樽攜酒來訪
勸稼亭中老年今七十餘能攜兩宅相頻訪此

倚居杏萼催春晚
松醪醲醲初不辭
成醑酌情味更誰如

移棲竹里寄李仲羽昆季

竹里境雖勝杏洲
忘獨難還嫌近郭
開每憶前隣驩
白鳥新盟在黃梁
一夢闌元龍淮海氣
到老未全殘

走次灘翁偶閱道德經仍有所感賦示之

作

學祖黃轅術根綿玄牝門
世誰傳至道經亦載
空言變化龍無跡周流月
沒痕從來子雲草猶

不易高軒

弼卿還梅澗寄一律次酬

借館吾依竹還家爾傍梅
入休城郭過詩寄水村來
爽氣西山度清樽北海開
剡溪前夜與能託小舟回

茂朱倅趙嶷望世煥過辭仲美起之亦會

醉賦為別

供世已華髮之官仍赤城
聊成遷客會却送卧仙行
風閣披襟爽榴花照眼明
親朋湖外少且盡此離觥

茂有寒風樓世號茂倅為卧仙篇內及之

廣興守朴仲五世相 伴至走寄索草
江爽雖宜夏亭虛易透炎偏愁夕照返更耐午
烘添大庇歡難辦清陰惠願霑誰教大舍令為
我蔭茅簷

次酬起之

雨色連朝暗霏微不散陰江湖十日飲我輩百
年心醉帽須入整歸舟任夜深那堪送爾後漫
續楚騷吟起之將赴
御營幕府

次仲羨示韻

幽棲非俗狀痛飲是吾師細和陶潛賦長吟謝

眺詩江從萬里遠日似少年邊已作忘機客相
期白鳥隨

七夕涼意已生早乾轉甚錄示灘翁

銀漢雙星會青梧一葉周天時空晚晚田畝轉
蕭條漫詠懷良友端憂為 聖朝絺衣初換袂
涼意在芭蕉

走酬次山和選兒韻寄示之作

獨卧滄州畔誰傳白雪聲和來忙點筆吟罷促
飛觥不之扁舟興其如數舍程差池隔歲別相
憶但含情

夜坐聞秋蟲有感錄寄難翁

蟲聲竟夜鬧爾自為鳴秋不是關人事如何喚
我愁衰年眠豈穩徂序感還稠此境君應解詩
傳八詠樓

難樓別起之用主人韻

幾度難樓會吟觚俾爾操離懷還錯莫秋鬢各
蕭騷野逕聯鑣穩江天捲箔高邦堪分手後寂
寞舊南曹

權悅卿在韓山寄一律次錄簡尾

不意永嘉札遠傳湘浦村舊隣嗟已失新詠荷

相存燕自違鴻去江唯向海奔知君夔後作一

一似開元

悅卿舊第與竹里隣近篇內云

次酬仲羨

綠淨空江水蒼茫暮景天病懷疎筆硯秋色老
風烟不意傳筒作還驚隱几眠終乖濠上約強
和郢中篇

湖海閑人卧林園倦鳥歸幽期竹館在佳節菊
觴飛晚境從疎放端居忘是非同尋遂初賦莫
遣化緇衣

迪兒冠日邀江隣數人會話使難翁仍相

三加禮席上醉賦

郭外幽期數樽前老興新朋簪盞勝地兒弁突
良辰疎略三加禮薰濃四座春向平婚嫁願憐
爾始成人

次酬又仲仲美弼卿

抱疾淹漳水燈前憶舊遊高懸徐孺榻久閣剡
溪舟宿鷺常棲檻歸帆半亞樓傳筒猶不隔江
海有吾儔

十月之望會飲鄭令丈

采和江樓許兄仲
玉及沈仲羨有約不來率賦以寄

次第江樓會新傳鄭老觴終違許丁卯又阻沈
東陽漫自懷同調猶能醉一場佳辰後赤壁明
月更輝光

至日與伯姪賞梅聯句梅澗伴適至疊其
韻却寄

雪裏藏春塢花從至日催羅浮魂已動太簇氣
全回不可無君語還宜壽我杯憐渠消息早絕
勝漢濱梅

朝起拓窓始覺夜雪大下模糊檜頂最是
奇賞賦示家姪

未覺前宵雪朝來看輒奇偏宜老檜頂絕勝早
梅枝四望清入境孤吟強我詩誰家煖帳裏滿
酌醉羔兒

仲玉兄將赴赤城會飲伯氏池亭醉次家
姪韻以志感懷兼贈玉兄

別緒詩難道春陰雨未禁驛梅他日信池草昔
年吟去住初分手存亡更愴心何當投郡紱卽
此復同臨

贈鴻山朴使君

每過西門路羊曇醉後心飛鴻知縣吏雛鳳稱

家兒儒雅治應飾廉平訓是遺臨民斯亦足祗
合養偏慈

黃澗尹使君坪過辭余適中酒不能叙別
朝起走寄

客到子雲宅腰纏湖縣章吾先取醉孰君亦告
行忙倏爾分雙鳥依然勸一觴朝來梅雨暗應
滯郭西裝

贈朴殿中長建出宰奉化

蒼磴黃茅句樓題卽四佳味詩知縣僻環境想
山皆淳古居民俗優閑隱吏懷全勝殿中喝曉

踏軟紅街

縣有徐四佳題板詩曰蒼燈攢空樹木交兩三村屋覆黃茅

中秋夜有懷灘翁

此夜惜虛度佳辰那易遭獨看天柱月誰賦廣陵濤
蟲語床頭近秋聲樹杪高相期桑落飲何事勝持螯

贈沔川崔使君

碩英

治行君居最移官璽秩褒洛中纔下榻湖外又征袍
老大別懷惡山河秋氣高憑傳滄海客飽興樂持螯

時李樂甫寓居境下

選兒家同道明賞梅醉賦寄灘翁

何處難忘酒春藏雪裏梅兒曹先已覺老興亦相催
香動黃昏月花敲瀨灑杯西湖悵望恨差慰卯君來

贈堂弟春卿

杜震赴文義

未獻長楊賦憐君鬢欲蒼出為山縣宰移自水曹
即歲序梧桐落民憂稼穡荒須從簿牒暇一戰勉槐黃

中秋夜雨獨坐松楸齋舍有懷灘翁

各向松楸去俱吟叢桂篇雨霾端正月雲暮淡
寥天良晤知何日清光負一年山齋見螢火衰

暮感時偏

難樓醉後抽韻共賦

玉露下庭綠
灘樓秋序闌
樽中桑落酒
澤畔楚臣顏
山瘦晴嵐捲
江空宿莽寒
行休從可卜
倦鳥亦知還

次酬灘翁

端居機漸息
君似漢陰翁
雲曲知音寡
風斤斲鼻工
葭灰至候動
梅信臘前通
萬事俱衰境
相憐為病司

李允迪寄贈東岳續集次仲美韻謝之

寶唾留全葉
颺輪返列仙
大家推李杜
宗匠盛

開天獨步東
槎上高名
北斗邊
江河不廢業
何

待拾遺傳辛丑東槎摠是宗匠而東岳詩大被皇華之賞故第四五及之

次奉仲美兼示允迪

白髮滄浪客
時時問索居
殘年病妨飲
遲日懶拋書
炊軟長腰米
漁腥巨口魚
會須同此興
休歎綠樽虛近來衰甚欲效靖節止酒篇內云

走酬允迪疊前韻寄示之作

久負雲林想
長懷水竹居
裝無鴻寶術
閑闕小乘書
楚士狂歌風
仁公大釣魚
何如茶園叟
靜

室白生虛

曩哲元同趣今人漫與居閑微行處酒窮有著
來書睨眄穿花鳥參差動鏡一作優魚聯鑣灘
上約空谷慰逃虛

寄灘翁用聯句韻

江漢日蕭瑟相思空復情蟲聲雨後咽螢影夜
深清衰意同秋淡浮名似業輕前期端正月新
酒酌蒲城

贈趙公舉師錫忠清水使之行

聖代調文武需才用不偏畢誠辭禁闥楊僕

讓樓船光彩戎麾變恩榮畫錦鮮海氓爭拭

目分閫自承宣

飛閣臨滄海胡床興若何湖山今可質疇昔等
閑過地更因人勝天還餉子多籠紗有傑句一
和翠翁哦

難樓次伯姪韻

水榭高秋霽蘋風滿箔涼君收新物色吾閱舊
篇章白鳥尋盟狎寒花作意香聊將小阮酒要
醉沉東陽伯姪先賦余時闕十人酬唱錄
故上聯云季姪攜酒落句及之

酬灘翁

小塢梅魂返新醅臘味清終違剡溪訪漫詠羨
岐行短鬢驚年事高談阻月評佳辰立春近屋
角聽禽聲

次伯姪韻寄李季周 端夏兼示仲周 紳夏

屏幃同時並睽違六載長險途今慣閱平世早

宜藏白簡經年歲蒼松耐雪霜多君好兄弟分

占水雲鄉 季周敘 命還收之 啓經歲不止第云

清明日寄灘翁

佳節閉門裏小齋凝素塵閑眠人送日亂聒鳥
鳴春綠酒宜斟冷輕衫欲試新相關摠幽事又

及種花辰

接樹

強合他枝幹殊非木性真猶憑寓公地得占寄

生春妙勝栽培力功資發育辰來年應結實老

子恰嘗新

伯姪送騎要與功甫賞花病未赴詩以復
之

許馬勤邀迓其如病未扶人方愁伏枕烏自勸

提壺藥物那全廢花時亦易祖相攜廣文老肯

訪此翁無

宿北倉村舍

燭跋鷄仍唱荒村月掛簷寒
雪後緊風力曉來嚴遠信秦中阻孤懷海曲淹元知五斗粟
不絆陶潛

貝葉寺

貝葉知名寺鐘鳴客到時水吞雲確粟松亞鶴
巢枝幽壑聽泉爽尖峯眺雪奇明朝出洞路擬
看大師碑

宿貝葉寺終夜大雪

光曉窓生白窓開雪滿峯汲泉僧砌路刷羽鷺

翻松晶氣通禪榻寒聲助梵鐘
厖眉一老衲
坐說南宗

除夜與一家數人小飲庶從汝勳歌聲
舊率賦以贈

海曲青陽逼燈前白髮明他鄉親戚會此夜歲
時更衰相添新齒狂歌有舊聲空懷少年事君
與我同庚

立春

春入官梅動陽隨臘雪融
葵忱星拱北葭律斗
移東盤菜他鄉味門符故國風
憂民老太守只

自願年豐

人日與文城李使君廷龍同行

秉燭官齋夜聯鑣古峽春一麾俱作吏七日又
逢人晤語行忘倦襟懷露見真明朝碧城館多
是會心親

哭次山

夙昔姻親好憐君玉雪姿悲歡四閱紀流坎各
隨時視草同登省分符遠送麾郭西聯枕晤誰
道死生離

謂有遼燕別黃岡擬摻裾沉痾淹藥裏遠役輟

輜車耿耿臨歧約悽悽伏枕書須更千古懶安
得不種如

此人不五十痛哭止於斯獨對平生酒遙緘千
里詞彥昇遺嗣稚元伯死交誰名父尚書澤門
闌愴日衰

黃岡津舟上

津澗黃岡渡懸帆一息程潮回石稜出風起浪
花生海樹皆春色沙禽已暖聲却忘形役苦清
料引詩情

大殿春帖字丁未居首

卷上

五十六

御柳迎春早祥禽得氣先
正當元始日新數太平
年香滬辛盤蔗片法酒宣
爭看寬大詔又下九重天

大殿迎祥詩代人製

紫闕寒威退青臺日影遲
序隨亮楚政巧惜禹陰移
積雪殘鳩觀輕冰泮鳳池
吾王庶無疾

新報闢經帷

餐雪以下月課
甲辰冬

大窖窮冬雪天教烈士餐
還隨糲入口元是鐵為肝
正氣何曾餒貞標不受寒
充飢賴羶肉可

忍少卿者

非復別離時丁未冬
居首

少日輕離別人情老易悲
等閑分手地渾是斷魂時
忽忽對樽酒茫茫臨路歧
東山懷作惡亦到暮年知

江草日日喚愁生戊申春

日日綠江草和烟暖更抽
綠應隨爾意暗已喚人愁
撩亂排難得芊綿引不休
何由銷萬斛合作醉鄉侯

次姚合遊春二首庚戌春

官散身無事春郊眺望遙
鳩鳴烟外樹溪漲雨
餘橋日暖蜂黏絮風微燕掠
苗芳非正愜賞莫
待晚紅飄

偶然乘野興斜日澹忘歸
草色侵行屨花香上
衣閑官宜浪跡幽鳥不驚飛
還往從今孰塵
中識者稀

五言排律

次酬起之十韻

晚計同耕釣交情保笠車
相期綴蘭佩出參
塵裾已狎無狎鳥兼觀取
適魚心隨湖水淡跡

共野雲舒戀 閔誠徒切庄時術亦疎幽替懶
出散寂寞病相如趣在花園步功添藥畝鋤
游俱得所身世兩忘諸竹里王丞館亥亭楊子
居過從曾不厭誰遣辟軍書

關山月六韻

以下月課
甲辰秋

何處愁看月愁看月上關
二年羌笛裏五夜戍
樓間鏡似明妃掛弓疑壯士
彎應同照秦地空
自對燕山桂魄休教滿刀頭
苦憶還願隨西去
影闋恨轉難刪

隴頭水六韻

莫作關中客，休爲隴上游。
有泉鳴咽咽，奔海去悠悠。
解道腸堪斷，誰能淚不流。
九回縈坂勢，何注別源頭。
水訴分歧恨，人添戀土愁。
仍翻百樂府，哀怨幾時休。

之翁集卷之二

之翁集卷之三

豐山洪柱國國卿著

七言律詩上

夜坐得詩字

綠籬瓜蔓欲離披，高樹西風索索吹。
九月秋聲人易感，一年霜信鴈先知。
醅初釀，瓮還嫌，病菊
開花已到詩絡緯，近床啼作意。
夜闌吾睡爲誰遲。

春日郊行

出郭渾如與世違，獨尋樵路見人稀。
山陂麥嫩夜來雨，野店花開春掩扉。
傍水客停羸馬坐，隔

林僧伴暮禽歸前江極目添詩料無數風帆去若飛

奉送伯氏赴燕

八月黃榆落塞城便車迢遞出幽并身衰豈恃曾行熟親在難教此別輕朝旭欲昇方整駕晚霖雖霽莫兼程思量萬事關心地雙鬢新添雪幾莖

贈別金建中清風之行

淮海平生氣不除一麾君去意何如樓高自作神仙界郡僻真同隱者居籠矚峽民春採藥盤

脛難吏夜叉魚誰言太守身無事撒寺子僧日跨驢

夾岸垂楊人語聞使君輕蓋已江門村家大抵

依青嶂官閣尋常掃白雲山逕草香知麝過后

一作崖花暖聽蜂喧籠紗試覓冲庵句風穴千

秋剩帶芬

桃花初綻鳥喃喃病起無端把別衫襟抱百年

唯爾我江山千里使仙凡離筵上已春停蓋征

棹中原雨滿帆小築試尋澗畔宅竹林應憶阮

家咸仲父舊宅在島潭

舟泊鳳翔

前村暝色逗歸燒
水鳥飛鳴響次寥
樵艇始疑來却去
漁燈初似近還遙
衣從篷濕知生霧
枕逐船搖覺進潮
聽得篙人清曉語
鰲巖約到未終朝

秋夕松楸示鄉人

野人顏色太敷腴
生事秋來摠可娛
穉穉雲鋪黃萬頃
棗梨霜染赤千株
溪魚入網朝攜伴
澤鱉橫戈夜課奴
結社他年存晚計
倘能分我漚西無

雨夜書事

閑披經籍讀唔咿
坐到深更不下帷
窓罅暗風燈易暈
樹間疎雨葉先知
酒杯斷後治痾穩
詩字安來着睡遲
雕篆本爲揚子耻
卷中謨訓有餘師

至後大雪夜坐看書餘酒酌數杯

天地窮陰遍八荒
抱痾深室學龜藏
臘前大雪餘三白
至後輕雷復一陽
市酒排寒微有力
書燈含凍淡無光
新梅想報春消息
欲問西湖處士莊

云身集

大隱巖 曾為南家所居
後歸辛白麓

逃暑何由快御風幽居却喜在城中
林慙昔為名巖子地勝還因號麓翁
一泓泉源通戶井四邊松韻滿簾櫳
前秋暫賞猶餘債此日重來好會同

奉送姊兄李行臺 俊者赴燕

蕭條人代抵沾纓一病支離半死生
伏枕更堪成遠別臨歧曾慣送茲行
秦城漢塞經過地易水金臺感慨情
此去試尋簾肆客欲將身計問君平

春日偶賦

遲遲蒼旭弄清和步上東園獨自哦
當晝閉門機便少趁春移卉事還多
病來筋力知全減愁裏光陰看易過
屈指韶華餘幾日先拚一飲醉無何

獨酌

懶慢相成簡出門興來春日獨開樽
題詩不必驚人語把酒那能聽婦言
學是聖賢容放達居仍城市憶田園
初心已矣顛毛改一醉陶然笑倚軒

云身集

卷上

六十二

齋舍志感

人代悠悠痛莫追百年孤露欲依誰身離室至
俄經歲草宿鴿原又闕暮一死亦知泉下樂餘
生猶抱世間悲松楸節物清明過獨卧山齋淚
滿頤

齋舍卽事

花發辛夷間杜鵑營巢乳燕舞簷前傾筐挑菜
村村女種麥驅牛處處田雨意乍慳寒食節風
光政媚賣餉天今年氣候隣翁識已卜三農大
有年

雨後散步山園

晚上山園獨杖藜數村烟樹望中迷春栽雜卉
宜三逕雨滿新蓄恰一犁款款幽禽聲遠近娟
娟戲蝶舞高低農人欲理西疇事報道前宵布
穀啼

李聖瑞內挽

人事參差未易圓那將此理問蒼天兒纔成長
迎佳婦郎已飛騰近御筵共道門闈多喜氣
忽驚泉壤隔芳緣西風床篔安仁感秋夜漫漫
想不眠

失子志痛
情欲寬時淚已瀉此身非醉又非狂嬉遊宛爾
前宵夢啼笑森然幾日忘勉我裁排那入耳見
人孩抱亦摧腸猶將束縛歸先壠差勝安仁坎
路傍

有懷殤子

對人言笑強爲娛存沒居然數月徂至慟猶藏
腸裏劍丰姿長憶掌中珠殘魂不逐陽春返殘
土何堪雨露濡莫道忘憂唯有酒醉來時復失
聲呼

踏青日偶題

孤懷寂寂左書空極目韶光四望同千日閑情
醒又醉一年佳節雨兼風妍花盡意開愁裏新
燕如期到病中欲和麗人詩上語退才還愧杜
陵翁

暮春獨坐書事

風細晴窓散篆烟藥階雙蝶舞踰躑落來花藥
傷春暮飛去鶯聲破午眠多病已將茶代酒看
書且喜日如年元知懶慢仍成癖閉戶非關草
太玄

早秋雨中

庭前高樹歇鳴螭節過梧桐葉飄涼意入秋
生簟席雨聲終日在芭蕉醇醪養性開涓滴書
卷隨身伴寂寥閑裏預占吹帽興手栽叢菊長
新條

僧伽道中作

閉門城市少追隨幽事還從郭外期驢背憑成
片時夢橋頭占得一聯詩樵行一作遂谷尋烟
語寺在層巒聽磬知飛錫忽逢雲衲至為言楓
葉未全衰

上寺

都門咫尺訪禪關捨馬扶筇石徑艱清磬落誰
詩句裏孤僧引我畫圖間飛雲忽暮來時磴返
照初春座右山筋力邇來慚濟勝欲窮高頂倦
躋攀

下第偶吟

書劍風塵計謬悠滿城京雨獨登樓年華荏苒
驚黃葉世故差池欲白頭敢道天生應有用試
看吾相不當侯何人為掘豐城土夜夜龍光射
斗牛

臘日山齋漫賦

山齋燕坐擁薰爐朝旭看書已到晡靜對雪峯
如好客閑招雲衲代奚奴荒年縣有催科帖臘
日隣無會社娛寂寞郊居人事少可堪今歲又
將徂

贈別金水部建中出宰青松

連朝雨色遞陰晴別意凄迷黯自驚秀句舊稱
何水部名區今屬謝宣城分攜祖席攀新柳歸
卧官樓聽晚鷓鴣道接天來鴈少可堪回首隔
春明

送鼻卿兄赴醴泉

幾年 經幄任論思烏鳥情深乞一麾 聖代
卽今新孝理近臣從古最恩私中原別業停撓
處小白清秋拄笏時孤露此生偏起感臨歧不
獨惜分離

連原驛亭漫吟

琴臺落日喚孤舟獨倚江邊古驛樓山割愁腸
遮北望水牽歸思解西流他鄉節物添新感故
里杯樽隔舊遊斟酌旅情知不淺邇來雙鬢便
驚秋

得伯氏書賦呈

京華消息近何如，獨卧中原歎索居。
池草喚醒孤枕夢，驛梅傳到一函書。
歸期稍待春殘後，旅思偏添月上初。
想得秦樓樽酒會，小桃如雪柳微舒。

驛亭書懷

慢世長卿故倦遊，行裝獨倚驛南樓。
觀魚欲學蒸園叟，記馬非關王子猷。
通籍太遲還自笑，歸田尚早未能休。
比來濁酒開消滴，合向平原作督郵。

默筭平生素計違，倦游湖左宦情微。
孤村小雨仍寒食，虛館深春尚熨衣。
京口遠書鴻欲盡，客中相識燕初飛。
身閑也喜功名拙，時向江頭坐釣磯。

禹生來訪呼韻

江抱中原走勢雄，驛亭歸思杳東風。
人從別墅到如約，酒滿芳樽清若空。
閑欲狎鷗同海客，醉能騎馬類山公。
陽春一曲誰相和，千載寥寥俗耳聾。

絮亂郵亭欲暮春，異鄉為客少逢人。
身如孤鳥

備思越心逐長江每向秦羈緒難忘酒賢聖病
懷頻檢藥君臣年來素計空牢落谷口耕田愧
子真

春日書事

忽忽佳辰度客中閑愁終日左書空人情自是
他鄉苦春色唯應故國同詩就小塘寒食雨酒
醒虛館杏花風歸心杳杳連芳草欲寄家書已
斷鴻

自中原乘舟向洛

盡日身從鏡裏遊輕舟穩下大江流山如走馬

灘邊過樹似連旗野外浮夜雨落帆神勒寺春
風倚棹廣陵洲詩成蓬底憑誰道故故相親有
白鷗

三日挈舟未覺疲江山曲曲盡搜奇洲名每向
篙師問亭主多憑釣叟知早發却嫌朝霧晦晚
行偏礙夕風吹公濟竊笠看如畫小艇漁回塔
照時

端午日書懷

節屆天中客未歸驛亭微雨晝關扉愁來誰共
嘗蒲酒病起猶妨試葛衣習俗鞦韆隨處是佳

辰香火故山違仍思此日亡
是日即仲氏忌辰 痛悽斷孤懷對

驛亭漫賦

高亭岸幘獨徘徊
中原晚望開
忽有雲陰生
劔嶽何來雨
色滿琴臺
登樓玉粲頰
題賦去國虞翻尚舉
杯作此寂寥堪
一笑壯心空惜二毛催

雨夜書懷

雨暗燈前夜榻虛
蕭然官况一僧如
乾愁禁得杯中物
殘睡勾回枕上書
鄉信少逢衡岳鴈
客

餐剛厭武昌魚
祇今素計成牢落
深負興公賦

遂初

閱晉史

青編偶閱晉西東
名下都無實用功
蠅拂本來王謝物
竹林爭尚阮嵇風
籩篠禮法清譚裏
蠻觸山河醉眼中
誰倚平乘樓上望
百年華夏盡為戎

西原道中遇雨

久客中原節序遷
藍橋征邁又炎天
差差乳燕啣泥滓
閭閻鳴蛙鬧水田
一點漏雲山日晚

邊驅雨野風顛被蓑厭就前途遠忙裏羈愁集
短篇

次寄鼎卿兄

羈愁無賴聽吳歌秦地歸心獨夜多秋入旅亭
蛩語咽夢回孤枕鴈聲過殘荷露漉團團蓋高
柳涼生颯颯柯却喜使君灘壑近郵筒時遞短
長哦

疊前韻奉鼎兄

明時敢效楚狂歌一卧江干歲月多衰似安仁
驚鬢髮懶回中散廢經過攻文薄技漸窺管聞

道初心昧執柯堪恨邇來良晤阻夜窓詩句爲
誰哦

鼎兄遣喪慘余亦抱病島潭之行劍巖之
遊初度之會既望之約皆未免差池客懷
殊覺無聊錄呈一律

三島風烟阻共遊閉門孤館長離憂纔經屈子
庚寅日又負蘇仙壬戌秋楓落劍巖空理屐月
明灘渚久拋舟杯樽寂寞身淹病庭畔寒花摠
是愁

次奉鼎卿兄

扁舟無恙擊清濟莫惟三旬斷往還江客尚淹
前月病天公應如向時閑飛霜浙瀝寒侵壁落
木蕭森響滿山強把一杯竹獨詠近人黃菊照
衰顏

病餘約會琴亭關雨未諧聊寫悵然之懷

錄寄鼎兄

泫泫伏枕浹三旬病起寒天覺損神旅况已經
秋作客好期還被雨關人杯樽久隔過從地書
卷惟親見在身萬事本來難入意向時何幸
簪類

雨中錄寄鼎卿兄

寒雨冥冥入檻多難居清景問如何幾羣正濕
依蘆鴈數尺新添暮岸波風急渡頭停賈船烟
微沙步辨漁蓑知君此夕登樓意應待山陰
棹過

奉鼎兄

歲晏中原鬢欲明舊遊迢遞隔秦城官同萍旅
都無况詩得江山倍有聲雪後寒威催小至燈
前歸思坐深更知君定就閑居賦擬赴灘亭共
細評

李持平光稷挽

風裁精華藹自持妙年身到鳳凰池才優良史
波濤筆望蔚清朝諫諍姿泉壤忽埋名下士典
刑唯待腹中兒飛騰不盡雲霄翰可惜韶光爛
熳時

安承旨後說挽

自是明光起草姿瓊瑤玉佩騁文辭論思經
幄趨三晝儲養詞垣簡一時北斗司喉年尚妙
西州投綬病仍隨韶華爛熳浮生促臨絕遺篇
字字悲

扈駕温泉次青湖志喜韻

一脉真源沸作泉 聖朝臨幸聿追 先銘盤
德並殷湯浴扶杖歡均漢詔宣祥効日靈爭護
蹕禮羅羣彥迭開筵神方絕勝金篦力更祝

康寧億萬年 時上以眼
患浴温得効

贈別金文子固 紐之任麟蹄

看君襟韻自恢疎年事俱忘托契初却喜雙鳧
飛葉縣每憐三策滯公車稚川仙想營砂後彭
澤閑情釀秫餘祇是新秋饒別恨閉門涼雨病
相如

贈別北評事呂希天

聖齊

書記今從選部除明時政注果何如應教幕府
因人重不是朝廷待子踈千里白雲瞻嶺郡五
更清漏夢宸居懸知尺一催恩召鳳閣鑿
坡席並虛

十月黃榆落塞垣獨攜孤劍向轅門雲天絕棧
凌重嶺韎鞞遺墟按六蕃健騎雪山朝獵罷元
戎玉帳夜營翻書生膽氣還堪詫痛飲蒲萄酒
滿樽

贈別濟州牧李東岳

填

飛廉護鷁駕滄溟塵市鯨濤破杳冥地用素稱
良馬窟天文偏照老人星神山一點浮瀛島香
橘千林割洞庭自是壯觀酬宿債休將遠役歎
衰齡

百祥樓次李東岳韻

忙裏偷閑乍倚樓為因 王事辦茲遊天邊青
染香山色樹外澄迴薩水流萬里關河何處盡
百年人世此生浮乙支戰伐垂名大看取鴻沙
往跡留

松都懷古次權石洲韻

極目蒹葭漾遠河，古都興廢恨如何。神嵩霸氣
秋空淡，滿月荒墟夕照多。灰冷胡僧前劫話，花
殘商女後庭歌。繁華往跡尋無所，謾有橋名記
橐駝。

高山館次板上韻

長途百慮集征鞍，世味嘗來齒已酸。危棧接天
關嶺險，小蹊埋雪驛亭寒。丘園素履違初志，幕
府青衫任苦顏。明日鶴城催傳去，敢將王事
暫求安。

端川館次東岳韻

曾聞岳老領茲州，陳跡于今歲幾周。永叔一麾
滁作守，宗元千里柳為侯。詩傳爽韻山留雪，文
湧洪流海捲秋。嶺外燕公悽惋語，只堪吟誦未
堪酬。

磨天嶺

地盡南關又北陞，塞門行役太支離。陰山一望
渾愁色，磨嶺重踰已鬢絲。書寄鴈邊回幾日，詩
從馬上覓多時。自憐千里看雲恨，孤夢前宵到
謝池。

城津次鄭東溟題屏韻

特地城津保障危
誰斗入大溟
開鷗輪浴出
三竿日鯨浪奔成
萬里雷宗慤乘風
追壯志燕
然勒石愧雄才
微茫蓬島知何處
騁望琅瑯卽
此臺
巨浸漫空一望平
興來轟飲似長鯨
佳人玉珮
燈前響壯上金杯
馬上傾雪意政催
胡地獵月
華偏照漢家營
書生未解籌邊策
但學窮途醉
步兵

磨天嶺入暮雲端
悵望長吟蜀道難
吐塞山川
何處盡東溟
風浪幾時安
凍燿古戍烽烟淡
水

拍孤城候角寒
仍憶德陽詩
記夢楚臣當日詠

湘蘭

諸公詩律敵長城
模寫風烟句裏清
板上紗籠
李東岳屏間琬琰
鄭君平文瀾倒捲
扶桑海筆
陣森開細柳營
自笑關山老書記
攻愁唯賴酒
為兵

關月蒼茫轉九霄
羈愁政似去來朝
天連漢將
屯兵塞海接秦皇
駕石橋白首晚從
班定遠
紅顏虛對董嬌嬈
濤聲曉撼還家夢
覺後長安一
倍遙

斬鯨臺下海漫漫
瘴氣噓成貝闕寒
欲覓長生三島藥
嗟無大釣六鰲竿
悲笳自語當宵迥
孤燭多情抵曉殘
却望秦京如隔世
遠書何日報平安

天塹周遭粉堞齊
海雲無際鳥飛低
書生學術踈軍旅
戎客歸心厭鼓鼙
身度塞門衣盡弊
夢尋京國路猶迷
茲行擬伴青春返
馬首花香政滿泥

崔嵬亭障玉門開
嗚咽寒笳日暮哀
目極魯連東蹈海
心馳漢武北登臺
龍鳴雙劍思傳檄
鰲戴三山欲渡杯
歸夢不知身作客
夜尋清禁繞蓬萊

吉城館

吉城孤館酒微酣
地主相迎半日談
此府始居關鎮九
舊疆曾割海洋三
陰山帶雪無冬夏
大嶺磨天限北南
尹瓘武功林彥記
我東千載是奇男

鬼門關

隴阪迢迢接塞垣
中開大壑晝常昏
人情已厭趨戎幕
地號誰教喚鬼門
陰谷深沉覆雪色
冰

湍幽咽激河源行行世界還昭朗蕭瑟炊烟起
驛村

鏡城途中

倚劍長吟出塞歌吐臨幽朔意如何黃沙盡日
恒迷積青海無風亦起波宇宙百年豪傑少穹
廬萬里稜氛多開邊壯烈思文肅寂寞荒祠信
馬過府有麗朝尹
文肅壠廟宇

鏡城府

孤城突兀玉門關畫角寒聲落海灣沙漠胡氛
憑劍外塞天兵氣把杯間侍中武烈先春嶺岳

老詩名長白山勲業文章俱未就自憐戎幕鬢

催斑尹文肅開拓北邊深入胡地五百里勒石
先春嶺而還李東岳為評事時有長白山
前九關路大明天下一書生之
句至今瞻災人口頸聯及之

鏡城東軒次韓柳川韻

龍庭愁望莽蒼蒼山作尖錐巧割腸萬里波濤
東海壯一邦風氣吐方強人間窮處唯荒服客
裏歡悰是醉鄉為和新詩題幕府隴頭明月入
傾觴

行營書懷

關月蒼茫隴水哀故鄉迢遞客心催陰山萬古

長留雪羌笛三更盡落梅孤劔吼龍何處試遠
書無鴈幾時回邊城薄酒猶堪飲入幕羈愁賴
爾開

行營錄奉李節度

營開細柳戟門高元帥臨邊此擁旄粉黛三行
環玉帳貔貅千隊舞霜刀嘶風駿馬青絲絡整
翻胡鷹白錦毛堪笑腐儒何事業百篇詩律入
揮毫

行營有感

黃雲漠漠戍樓高渤海無風靜怒濤宛馬任教

肥首宿漢宮誰遣出蒲萄空存一帶長江限虛
老三邊六郡豪未斬月支年晚晚壯心時撫匣
中刀

次李節度見寄韻

幕府舍杯散客愁惚戎多暇引參謀翻營古塞
霜侵戟校獵平原雪滿裘冠準威名開吐鎮元
規豪興在南樓迂儒謬被軍書辟千里羈遊鬢
已秋

次奉李節度

吐斗司喉荷 寵榮簡膺專閫作長城三邊豪

六
傑皆增氣九姓羌渾已識名兵甲希文肯自運
春秋元凱癖還成輕裘緩帶臨戎地行樹奇勳
報 聖明

誰教戎幕廁儒冠
羈宦天涯鬢欲斑
馳檄自慚才倚馬
題詩堪笑語成蠻
囊書未替韜猷秘
樽酒叨陪簿領閑
擬待嫖姚旋凱日
尚將班筆勒燕山

宿西水羅堡

堡是六鎮地盡
頭三面濱海

征鞍遵彼豆江濱
鞞人烟隔岸屯
地盡六蕃三面海
城圍孤堡數家村
憑軒晚眺魚龍戲
近

郭宵聞虎兕喧窮處
世間寧有此曉窓
奇賞浴桑暎

慶興府次東岳韻

暮角鳴鳴隱堞吹
驚沙漠漠隔江飛
枯槲峰上狼烟沒
昔藉郊頭獵騎肥
邊候入春靈積雪
鄉愁向夕掛斜暉
秦城花事行應近
司馬從軍幾日歸

訓戎鎮次東岳韻

地交夷夏枕城隍
隴上新春白草荒
夕日照連沙漠潤
陰風吹度玉關長
樓頭作賦同王粲
幕

裏合杯是葛強自笑巡邊何事業詩篇贏得滿
奚囊

三月初吉在穩城府次東岳韻

一面城池黑水涯封疆最近女直夷風沙捲磧
春來暗鏡鼓臨關日暮悲父客野多京裏札邊
州和遍壁間詩仍思紫禁烟花繞冠冕千官
拜玉墀

鍾城受降樓次板上韻

黑水逶迤走渤海華夷地錯犬牙形旌旗晚色
翻風絢烽燧寒烟帶雪青故國一春書鴈斷愁

州三日客驂停簫笳薄暮吹何意知是城門報
夜扁

直北山來自白頭封疆天限豆江流樹浮關隴
春猶凍雲暮沙場晚不收故國歸心愁對月邊
城羈緒類防秋沉吟強覓詩排悶誰遣悲笳咽
暮樓

觀大操錄呈節度

邊籌安亦不忘危校戰當如對壘時十里郊垆
開組練六州兵甲列熊羆春凝霜雪森彫戟日
耀龍蛇颺彩旗士氣從今增百倍先聲已懾北

蕃夷

踏青日書懷

佳辰為客滯邊陲
寒勒春光太較遲
笛裏小梅
虛落藥營頭
細柳未舒絲
永和盛事蘭亭飲
漆涓遺風芍藥詩
着處繁華於是日
遠懷京國獨
淒其

次東岳春日書感韻

彎彎邊月掛如弓
傍海孤城望不窮
春鴈影連
榆塞雪暮笳聲斷
柳營風羈愁
強撥含杯裏
壯志頻驚攬鏡中
何日休官謝簪紱
却為江漢釣

魚翁

次東岳幕府書懷韻

公館寥寥散古書
自憐消渴病相如
半年戎幕
成何事
平日儒冠誤了
余京國音塵
梅信少
塞城春色柳條疎
流光荏苒身將老
痛飲黃龍計
墮虛

元帥臺

長白山前渤海隈
何年元帥此為臺
鯨濤吹沫
沾衣袖
蜃氣成霏
落酒杯
地勢曠然連
鞞鞞帆
風直可到蓬萊
玄珠罔象微
茫外
摹寫詩篇媿

不才

泛翁集卷之三

